



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### „ელექტროავტომატი“

„ელექტროავტომატი“ (სააქციო საზოგადოება), ელექტროტექნიკური მანქანათმშენებლობის საწარმო. დაარსდა 1955 თბილისში, საექსპლუატაციოდ გადაეცა 1956. ექვემდებარებოდა საკავშ. ელექტროტექნიკური მრეწველობის სამინისტროს (1991-მდე). 1974 შევიდა საწარმოო გაერთიანება „ელექტროაპარატში“, რ-ის დაშლის შედეგად 1996 შეიქმნა დამოუკიდებელი სააქციო საზ-ბა „ე.“ საწარმო სპეციალიზებული იყო ელექტროავტომატური ამომრთველების წარმოებაზე; უშვებდა საგუშაგო სამსახურის შესამონშებელ ხელსაწყოებს, ლითონკერამიკულ კონტაქტებს, კონტაქტის დამჭერებსა და პლასტმასის დეტალებს. პროდუქცია მოიხმარებოდა ქვეყნის შიგნით, ნაწილობრივ გადიოდა საზღვარგარეთ. 1996-იდან სააქციო საზ-ბა „ემა“ დაიწყო ბუნებრივი აირისა და ელექტროენერჯის მრიცხველების დამცავი კარადების დამზადება, აგრეთვე განახლებადი ენერჯის (წყალი, მზე, ქარი) მცირე და მიკროელექტროდანადგარების წარმოება, რ-ის რეალიზაცია ხდება ადგილობრივ ბაზარზე (წინასწარი დაკვეთებით).

**ვ. ვაჩნაძე**

---